

## APPLICATION

- Kanino (isang kapamilya, katrabaho, kaklase, o kaibigan) mo maibabahagi ang ebanghelyo ngayong linggo? Papaano mo ito gagawin?
- Ikwento ang isang hamon o pagsubok na pinagdadaan mo ngayon. Papaano ka maninindigan sa iyong pananalig sa gitna nito?
- Mangakong manalangin para sa isang siyudad o bansa ngayong linggo. Papaano mo masusuportahan ang gawain ng ebanghelyo sa lungsod o bansa na ito?

## PRAYER

- Manalangin na lumago ka sa iyong ugnayan sa Diyos araw-araw at makatulong sa kapwa na makilala rin Siya.
- Hayaang si Jesus ang maging pundasyon ng iyong pananampalataya at lahat ng iyong ginagawa. Magdasal na matulungan ka nitong manindigan sa bawat sitwasyon.
- Manalangin para sa pagkakataon na makapag-ugnayan sa ibang lahi o mga taong galing sa ibang kultura sa pamamagitan ng ebanghelyo. Manalig sa Diyos para sa kakayahan na kaibiganin sila at maitatag sila sa pananampalataya.



**VICTORY**

© 2014 ng Victory®

Reserbado ang lahat ng karapatang pag-aari.  
Lahat ng sipi ay mula sa ANG SALITA NG DIOS®

Karapatang Pag-aari © 2010 ng Biblica® Ginamit na may pahintulot mula sa  
Biblica Publishing & Distribution Foundation, Inc.® Reserbado ang lahat ng pag-aari.

Ang pagkopya ng lathaing ito ay pinahihintulutan para sa lokal na simbahan. Hindi ito ipinagbebenta.  
victory.org.ph



FILIPINO **WEEK 1**

## Pag-abot sa Lungsod upang Mabago ang Mundo

## NOTES

---

---

---

---

---

---

---

---

---

---

---

---

---

---

---

---

---

---

---

---

---

---

---

## WARM-UP

- Mahilig ka bang magbiyahe? Bakit o bakit hindi?
- Anong biyahe ang hinding-hindi mo makakalimutan? Bakit mo ito hindi malimutan?
- Ano ang gusto mo at kinaiinisan mo sa buhay lungsod?

## WORD

<sup>21</sup>Ipinangaral nina Pablo at Bernabe ang Magandang Balita sa Derbe at marami silang nahikayat na simunod ka Jesu-Kristo. Pagkatapos, bumalik na naman sila sa Lystra, Iconium, at sa Antioch na sakop ng Pisidia.

<sup>22</sup>Pinatatag nila ang mga tagasunod ni Jesus at pinayuhang magpatuloy sa kanilang pananampalataya. Sinabi pa nila, “Maraming kahirapan ang dapat nating danasin para mapabilang sa paghahari ng Diyos.”

<sup>23</sup>Pumili sina Pablo at Bernabe ng mga mamumuno sa bawat iglesia. Nag-ayuno sila at nanalangin para sa mga napili, at ipinagkatiwala nila ang mga ito sa Panginoon na kanilang pinananaligan. **MGA GAWA 14:21-23**

Ginawa ni Apostol Pablo ang bagay na wala pang nakakagawa: ang magtatag ng simbahan sa bawat lungsod. Dala ang pananampalataya at ebanghelyo, tumungo siya sa mga siyudad upang maghayag ng ebanghelyo at magtatag ng mga simbahan. Dahil dito, naikalat ang Salita ng Diyos at marami ang naging tagasunod ni Jesus. Tingnan natin kung paano naabot ni Pablo ng ebanghelyo ang mga lungsod—gaya ng ginagawa ng ating mga misyonero ngayon—at kung papaano din natin ito maisasagawa sa ating mga komunidad.

### 1 Makipag-ugnayan sa mga naliligaw.

*Ipinangaral nina Pablo at Bernabe ang Magandang Balita sa Derbe at marami silang nahikayat na simunod ka Jesu-Kristo.*

**MGA GAWA 14:21**

Ang layunin ni Pablo sa pagpunta niya sa mga lungsod ay ang maghayag ng ebanghelyo. Gaya nito, dapat din tayong makipag-ugnayan sa mga naliligaw. Anong nangyari nang naihayag nila ang ebanghelyo sa lungsod na iyon? Bakit kailangang humantong sa paghahayag ng ebanghelyo ang pakikipag-ugnayan sa mga naliligaw?

### 2 Napapabanal tayo kay Kristo.

*Pinatatag nila ang mga tagasunod ni Jesus . . .* **MGA GAWA 14:22**

Hindi lamang inihayag ni Pablo ang ebanghelyo; pinalakas din niya at ng kanyang mga kasamahan ang mga tagasunod sa pananampalataya. Sabi sa 1 Corinto 3:11, sino ang dapat na pundasyon ng ating pananampalataya? Papaano mo matutulungan ang kapwa na maging matatag sa kanilang pananalig?

### 3

#### Bigyang kakayahan ang mga mananampalatayang magpatuloy sa kanilang paniniwala.

*. . . at pinayuhang magpatuloy sa kanilang pananampalataya. Sinabi pa nila, “Maraming kahirapan ang dapat nating danasin para mapabilang sa paghahari ng Diyos.”* **MGA GAWA 14:22**

Sinanay ni Pablo ang mga lokal na mamumuno na manindigan sa kanilang pananalig. Nilinaw din niya sa kanila na tayong mga mananampalataya ay haharap sa mga pagsubok at pagtitiis. Paano nakakatulong ang pagsubok na lalo tayong manalig sa Diyos? Ayon sa Mateo 7:24,25, papaano tayo makakapamuhay nang may katatagan sa gitna ng mga unos ng buhay?

### 4

#### Bigyang kapangyarihan ang mga tagapamuno na makapagdisipulo.

*Pumili sina Pablo at Bernabe ng mga mamumuno sa bawat iglesia. Nag-ayuno sila at nanalangin para sa mga napili, at ipinagkatiwala nila ang mga ito sa Panginoon na kanilang pinananaligan.*

**MGA GAWA 14:23**

Bilang misyonero, alam ni Pablo na hindi siya magtatagal sa mga lungsod na iyon. Kaya’t nagtalaga siya ng mga nakatatanda at mga mamumuno mula sa lokal na simbahan upang ipagpatuloy ang kanyang nasimulan. Papaano ka nabigyan ng kakayahan na mamuno at makapagdisipulo? Papaano mo nabibigyan ng kakayahan ang iba?